

# جريدك محاکمه

۱۲۹۰

## ❖ صالئ ❖

نومرو	ذئ القعدہ	سنه	تشرین اول	سنه	صحیفه
۶۶	۸	۱۲۹۶	۲	۱۲۹۷	۵۲۱

❖ اشبو غزته بهر هفته صالئ کونلری چیقار . سنه لئکی التمش غروش و بهر نسخه سی التمش پاره  
❖ مجیدیه اوله رق هر یرده صاتیلور . درج اولنه جق اعلاناتک بهر سطرندن ایکی غروش النور .  
❖ سنه لکنه مشتری اولمق استیانلر عدلیه نظارت جلیله سی اوراق مدیر لکنه مراجعت ایتلیدر ❖

اولسندن ناشئ مقدا وقوعبولان استدا اوزرینه  
اسکدار مرکز بدایت محکمه سی حقوق دائره سنجه  
جریان ایدن محاکمه نتیجه سنده افندی مومی الیهک  
تصرفات قوایه دن حجز و منعه قرار و یر یله رک  
تسویه خصوصاته پدری سعادتلو کیفورق افندی  
مأمور نصب و تعیین قلمش اولدبغی بیانیه لاجل  
المحاکمه مأمور مومی الیهک جلب واحضاری طلبنده  
بولنوب بوصورت دخی موافق اصول ونظام کورنمش  
اولدیفندن علی الاصول تنظیم اولنان دعوتیه ورقه سی  
مومی الیه کیفورق افندی به امضا و تبلیغ ایتدیرلشیدی  
بونک اوزرینه مذکور ورقه ده محرر کونده افندی  
مومی الیه بالورود طرفندن سرکز اسمر بان افندی بی  
مسجلا توکیل ایلدیکی کبی وکیل مومی الیه شهبازیان  
افندی دخی کیش ودعواى واقعه ده اصل مدعی  
علیه اولان ارتین افندینک برمنوال محرر تصرفات  
قوایه دن محجوریتی ملاسه سیله مدعی عمومینک  
دعواى مذکوره به مداخله سی تشکیل محاکم قانون  
موقتک ماده مخصوصه سی اقتضاسندن بولنمش

( فی ۱۷ شوال سنه ۹۷ وفی ۱۰ ایلول سنه )  
( ۹۶ تاریخیه محکمه تمیز حقوق دائره سندن )  
( ویریلان اعلامک صورئیدر )

یوک یکی خنده مقیم پاپاز اوغلی ارتین افندی الیه  
یلنرنده متکون دعوایه دائر محکمه تجارت ایلکنجی  
مجلسندن فی ۲۷ رمضان سنه ۹۶ تاریخیه  
ویریلان اعلامک تمیزاً رویت و تدقیق کبری باشنده  
والده خنده اون درت نومرولی او طه ده ساکن  
استانبولیان قره بت اغا وقوم پابه سی وکیل نظرت  
شهبازیان افندی طرفندن محکمه تمیز حقوق  
دائرة سنه اعطا قلنان عرضحال و متفرطانده استدا  
وباغچه قیوسنده الی درت نومرولی دکانده متکون  
صراف اغوب قزازیان امضاسیله ممضی و مصدق  
برقطعه کفالتنامه اعطاسیله شرائط تمیزیه جمله سندن  
اولان تأمینات دخی ابفاقلمش و متعاقبا وکیل مومی  
الیه نظرت شهبازیان افندی دائره به مراجعت و ابراز  
ایلدیکی مصدق سند الیه اثبات وکالت ایتدکن  
صکره مومی الیه ارتین افندینک سفیه

اولدیغنه بناء باش مدعی عمومی امور حقوقیه معاونی  
 یورغای افندی حاضر اولدیغی حالده تدقیقات  
 تمیزیه اجراسنه ابتدار و اوراق موجوده و کیلان  
 مومی الیهما مواجهه سنده بعدالقرانه اولباده اولان  
 ادعا و افاده لری کندولندن استفسار قلندی  
 اعلام مذکور مندرجانه نظرا استانبولیان قره بت  
 اغا و قومپانیه سی و کیلی نظرت شهبازیان افندی  
 مومی الیه ارتین افندینک بدلی مالیه خزیننه جلیله  
 سنن سیم مجیدی یکریمی بر بچق غروش اعتباریله  
 اخذ و استیفا اولتی و عکسی تقدیرنده فرقی تأدییه و ایفا  
 قلمقی شرطیله یاسند موکلرینه فروخت ایتدیکی  
 یکریمی طقوز بیک سکر بوز التمش غروشاق اسهام  
 تقسیطلرینک بر مقداری خزیننه مشارالیه جانبدن  
 قائمه اوله رق تسویه ایداش و بو یوزدن درت بیک  
 بوقدر غروش فرق حاصل اولمش اولدیغندن بمثله  
 فرق مذکورک افندی مومی الیه یهدن تخصیصی طلب  
 و دعوی و ارتین پایازان امضاسیله فی ۹ مارت  
 سنه ۷۶ تاریخنی و تقاسیط مذکورنک بدلی مجیدی  
 یکریمی بر و یاخود یکریمی بر بچق غروش حسابیله  
 مالیه خزیننه جلیله سنن استیفا قلمقی اوزره  
 استانبولیان قره بت اغا و قومپانیه سنه فروخت  
 اولنوب اچقه سی تماما الندیغی و ایله روده بونلر حقنده  
 بر کونه سکوسترو و یا خزیننه جه یکی بر اصول  
 اتخا ذیله تزیلات و اچقه جه بر فرق وقوع و اور  
 و یاخود بدلی وقت وزمانیله تأدییه و ایفا اولنمز ایسه  
 یوندن وسار جهتدن طولانی ترتب ایدجک ضرر  
 وزیانک مع فائض مذکور قومپانیه نك امرینه  
 تأدییه اولنه جنی عباراتی حاوی اولان سند مذکوری  
 ابراز و اعطا ایتش و لاجل المحاکمه وقوع و اولان دعوتیه  
 مومی الیه ارتین افندی اجابت ایتماش اولدیغندن  
 عن الغیاب رویت دعوایه ابتدار ایله سالف الذکر  
 سند مندرجانه نظرا مذکور درتیک بوقدر غروشاق

افندی مومی الیه یهدن تخصیصیه حکم و قرار و ایش  
 اولدیغی حالده اولباده تنظیم و اعطا قلنان حکم  
 غیابی علیهنده مومی الیه ارتین افندی جانبدن مدت  
 نظامیه سی ظرفنده اعتراض علی الحکم عرضعلی اعطا  
 و اجرا قلنان محاکمه و جاهیه ده دخی افندی مومی  
 الیه سند بمحوت عنهی تصدیق ایله برابر کدوسنک  
 فروخت ایتش اولدیغی مذکور تقسیطلر بدلی  
 اساسا متالک اولدیغی و بونلرک اثنای فروخته متالک  
 ایله مجیدینک فرق یکریمی بر و بر بچق غروش رده سنده  
 بولندیغی کبی خزیننه جلیله جه دخی اول وقت بمقوله  
 تقاسیطه متالک مقامنده فرق مذکور ایله مجیدی  
 و بر لمکنده بولمش و اگرچه خزیننه مشار الیهما  
 جانبدن ذکر اولنان تقسیطلر بدلاتنه مقابل متالک  
 و بر یولوبده مجیدی به تحویلنده یکریمی بر بچق غوشدن  
 زیاده بر فرق حاصل اولمش اولسه اول وقت کدوسی  
 بر موجب سند فرق مز بوری تضمینه بوجلی اولوب  
 حابوکه خلاف مأمول اوله رق اول تاریخده خزیننه دن  
 اسهام مز بوره بدلاتی متالک مقامنده تدای ایتک  
 اوزره اخراج اولنان قائمه ایله تسویه ایداش  
 اولدیغندن بوندن طولانی کندوسنه بر کونه سوالت  
 ترتب ایتیه جکی بیان و انبا ایتسی اوزرینه محکمه جه  
 اخیرا جریان ایدن تدقیقات و مذاکراتک نتیجه سنده  
 سالف البیان سند مندرجاتی اساسا متالک اتخا ذ  
 ایداش اولان تقاسیط مذکورنک مجیدی به تحویلنده  
 یکریمی بر بچق غروشدن زیاده فرق حاصل اولدیغی  
 تقدیرده انک تأدییه اولنه جنی بولنده و مومی الیه  
 ارتین افندینک افادات و اقعه سنی مؤید سورته  
 بولمش و خزیننه جلیله ایسه تقاسیط مز بوره دن  
 بشنی معینی متالک عدو اعتبار اولنان وانک برته قائم  
 اولان قوأم نقدیه ایله تسویه ایدرک سند مذکور  
 حکمتک جریانده محل بر اقامش اولدیغی کبی سمدی به  
 قدر وکیل مومی الیه شهباز افندینک موکلری

جانبدن ضرر و زیان مطالبه سنی حاوی بر کونه  
 اخطاراته دخی تشبث ایدلمدیکی جهتله وکیل مومی  
 الیهک مذکور مقاوله نامه به استنادا اچقه فرق نامیله  
 مومی الیه ارتین افندینک سننه مطالبه سنه صلاحیتی  
 اوله میه جنی بیانیله ادعاء واقعک ردینه قرار و بر لیدیکی  
 اکلانشدر  
 مستد هیلر و کیلی نظرت شهبازیان افندینک خلاصه  
 اعتراضات موکلرینک مومی الیه ارتین افندین  
 ضرر و زیان اوله رق طلب ایتکنده اولدقلری اچقه  
 فرقنک تسویه و ایفاسنی افندی مومی الیهک تعهد  
 ایدلمدیکی تراضی طرفین ایله تنظیم اولنان و سرعیت  
 احکامی نظاما مقتضی اولان مقاوله نامه ده صراحة  
 مندرج اولدیغی و خزیننه جلیله نك اسهام و معاشاته  
 متالک مقابلنده قوأم نقدیه و برمش اولسنن ناشی  
 مذکور مقاوله نامه نك فسخ احکامی ایجاب ایتیه جکی  
 میداننده بولندیغی حالده درجه اولی محکمه سنک  
 خزیننه مشار الیهانک متالک مقابلنده قوأم نقدیه  
 و برمش اولسنی سبب اتخا ذ ایله حکم مقاوله نك اجراسی  
 لزومندن ذهول ایدرک موکلرینک بو بایده کی ادعاسنی  
 رد ایتسی بغیر اصول و نظام ایدوی بیانیله اعلامک  
 نقضی استدعاسندن عبارتدر  
 مومی الیه کیغورق افندینک و کیلی سرکز اسمریان  
 افندینک نتیجه جوابی دخی ذکر اولنان اسهام  
 تقاسیطنک بر مقداری خزیننه جلیله جانبدن متالک  
 اعتباریله تساواله چیقارلش اولان قوأم نقدیه ایله  
 تسویه و ایفا ایدلش اولمسویه وکیل مومی الیه  
 شهباز افندینک احکام مقاوله به تمسک ایدرک  
 ضرر و زیان نامیله سننه مطالبه سنه حتی اولدیغی  
 و خصوصیه بو مثلاو ضرر و زیان دعوازلندن طولانی  
 پروتستو کشیده ایدلمسی قانون تجارت احکامندن  
 بولمش ایکن وکیل مومی الیهک موکلری جانبدن  
 بو بایده بر کونه اخطاراته بولنلیوب بالعکس تقاسیط

مذکوره قائمه اوله رق اخذ و قبول ومدت مدیده  
 اختیار سکوت ایدلرکدن صکره دعوایه قیام  
 اولدیغی ملابسسه سیله حکم ابتدائی موافق اصول  
 و نظام اوله رق اعتراضات واقعه شایان قبول و اعتبار  
 اولدیغندن بمثله اعلام معترض علیهک تصدیقی  
 طلبنی محتویدر  
 طرفینک بالاده محرر اعتراض و جوابلرندن بشقه  
 بر افاده لری اولدیغی لدی السوال اکلانشدقندن صکره  
 باش مدعی عمومی معاونی یورغای افندینک بو بایده  
 اولان مطالباتنی استفسار اولندقدنه مومی الیه ارتین  
 افندینک فروخت ایتش اولدیغی اسهام تقاسیطنک  
 بر مقداری خزیننه جلیله دن قائمه اوله رق استیفا اولتمسی  
 حسبیه وکیل مومی الیه شهبازیان افندینک موکلری  
 بو یوزدن حاصل اولان اچقه فرقندن ضرر دیده اولمش  
 و طرفین بیننده تنظیم اولنان مقاوله نامه مندرجانه  
 کوره اچقه فرقندن وجهت سارندن طولانی ترتب  
 ایدیه جک ضررک تأدییه سی تعهد ایدلش اولدیغنه و شو  
 تعهد دخی ذیل قانونک طقسان برنجی ماده سی  
 احکامنجه بر شینک و برلمسی و یاخود یا بلسی حقنده  
 اولیوب بروجده محرر اچقه فرقندن وقوع و اولان ضرر  
 وزیانک تضمینی یولنده بولندیغنه بناء مومی الیه ارتین  
 افندینک تعهد واقعی مقاوله نامه موجبجه ایفایه  
 مجبور اولوب بو بایده اخطار نامه و پروتستو تبلیغی  
 کبی معاملاته حاجت اولدیغی یولنده ایراده مطالبات  
 ایلش و متعاقبا امر محاکمه لری نك ختام بولدیغی طرفین  
 وکیلرینه تفهیم قلمشدر  
 بونک اوزرینه ایجاب کیفیت لدی المذاکره محکمه  
 تجارت ایتکیجی مجلسنجه تمیز استدعاسنده بولنان  
 استانبولیان قره بت اغا و قومپانیه سی و کیلی شهبازیان  
 افندینک مومی الیه ارتین افندی جانبدن موکلرینه  
 فروخت اولنان آنف البیان اسهام تقاسیطنک  
 بر مقداری خزیننه جلیله مالیه جانبدن قائمه اوله رق

تسویه اولمستندن طولانی اولبابده اولان مقاوله نامه به استنادا افندی مومی الیهدن ضرر و زیان اوله رق اراقده اولدیغی درت بیک بو قدر غروش اقیچه فرقی وکیل مومی الیهک طلب وادعایه صلاحیتی اولدیغنه قرار ویرلش واولبابده تنظیم قلنان اعلامده قرار مذکوره اسباب موجب اولق اوزره ذکر اولنان مقاوله نامه ده اساسا متالک اتخاذایدلش اولان تقاسیط مذکوره نیک مجیدی به نحو یلنده بکرمی بر بقی غروشدن زیاده فرق حاصل اولدیغی صورته انک تأدییه اولنه جغی محرر اولوب خزینه جلیله ایسه تقاسیط مذکوره بی متالک مقامنه قائم اولان قواتم نقدیه ایله تسویه ایدرک مذکور مقاوله حکمکنک جریانته محل بر اقامش اولدیغی کبی بو بابده ضرر و زیان مطالبه اولنه جغنه دایر بر کونه اخطاراته دخی تثبت و قیام ایدلدیکی کوسه ترلش اولوب انجق سالف الذکر مقاوله نامه نیک جله شراطندن اولدیغی وجهله مومی الیه ارتین افندی تقاسیط مذکوره بی خزینه جلیله مالیه دن مجیدی بکرمی بر ویا بکرمی بر بقی غروش حسایله استیفا قلمق وایلووده اقیچه فرندن وسار جهتدن طولانی بر ضرر و وقوعنده تأدییه ایتمک اوزره بیع و فروخت ایتمش اولدیغی کبی وکیل مومی الیه شهبازیان افندی نیک صورت ادعایه دخی شراطن مزبوره به تمسکه فیئات مذکور وجهله مجیدی استیفا ایتمک اوزره المش اولدقلری تقاسیطدن بر مقدار نیک قائمه اوله رق تسویه ایدیلوب شو صورته درت بیک بو قدر غروش ضرر دیده اولدقلرندن ضرر مذکورک تضمینله حکم مقاوله نیک اجراسی طلبندن صبارت بولنش و بومقوله مقاولات احکامکنک دخی طرفین حقنده مرعی و معتبر طوتلمسی حکم قانون اقتضاسندن اولغله برابر وکیل مومی الیهک ادعای مشروچی بر شیشک باپلسی ویا خود تسلیمی یولنده وقانونا پروتستو و اخطار نامه مثلاو وسائط رسمیه به

مراجعتی ایجاب ایدر صورته اولدیغی جهتله موکلر نیک بو بابده پروتستو و اخطار نامه تنظیم و تبلیغنه قانونا مجبور یترلی کوریه مامش ایکن محکمه مذکوره جه بوراری تأمل و مطالعه ایدلدکسز بن تقاسیط مذکوره نیک خزینه جلیله جه متالک مقامنده اولان قواتم نقدیه ایله تسویه اولنوب حتم مقاوله نامه نیک جریانته محل قالمش اولدیغی و ضرر و زیان ادعاسنه دایر بر کونه اخطاراته تثبت ایدلدیکی سر رشته سبیله ادعاء واقعک رد ایدلسی یولسز و اصول و قانونه مغایر اولوب باش مدعی عمومی معاونی بورغاک افندی نیک مطالعات مشروحه سی موافق نفس الامر کورندیکندن اصول محاکمه حقوقیه قانون موقتک ایکیوز اولنوب ایکنجی باده سنه توفیقا اعلام معترض علیه نقض ایدلش اولغله مصلحتک بیکدن بارویه اصول و نظامنه موافق صورته اعلامه ربطی ضمیمه محکمه تجارت ایکنجی مجلسنه اعاده سنه و اعلام و صورت و تبلیغ خرچلری اولان ایکیوز فرق غروشک ایلرود حتمسز چیقده جق طرفه رجوع ایتمک اوزره اول امرده ستدعی وکیل شهبازیان افندی نیکسنه فی ۲۷ مایس سنه ۹۶ تاریخنده متفقا قرار ویرله رک طرفینه تفهیم قلندی

(فی ۱۵ شوال سنه ۹۷ و فی ۸ ایلول سنه ۹۶)  
(تاریخچه محکمه تمیز حقوق دایره سنن)  
(ویریلان اعلامک صور تیدر)

یکی جامع شریف دروننده واقع مغازه ده سان کهیا اوغلی کریاقو ایله بینلرند متحدث دعواه دایر محکمه استیفا حقوق قسمندن ویریلان فی اشوال سنه ۹۶ تاریخی اعلامک تمیزاً رؤیت زندقیتی طااطاولده چشمه میداننده اون اوج نومرولی خانه ده مقیم اکسفون وچار سوی کبیره قاپا قیجیلر باشنده

اوتوز ایکی نومرولی دکانده ساکن سمیون اوغلی میخال طرفلرندن مشترکا محکمه تمیز حقوق دایره سنه اعطا قلنان عرضحال و متفرعاتنده استدعا و مجود باشاده قانده و خاندو خاندو ساکنان طقوز نومرولی دکانده مقیم قنو اوغلی میخالکی امضاسیله ممضی و مصدق بر قطعه کفالتنامه اعطاسیله شراطن تمیزیه جله سنن اولان تأمینات دخی ایفا قلمش و دعوت واقع اوزرینه طرفین اصالة کلمش اولدیغندن امر محاکمه لر نیک اجراسنه ابتدار و اوراق موجوده بعد القرائه ادعا و افادلری کندولرندن استفسار قلندی

اعلام مذکور مندرجاتنه نظراً مر قوم کریاقو مر قومان اکسفون و میخال ذمترلنده یکدیگره کفیل بالبال اوله رق باسند الاجغی اولان یتش عدد عثمانلی لیراسنک مع فائض و مصارف محاکمه تحصیلنی محکمه تجارت ایکنجی مجلسنده طلب و دعوی و سنند مذکور اراز و اعطا یتش و مر قومان دخی سند مذکور محتویاتی تصدیق ایله برابر داین مر قوم کریاقو اصل مدیون صاری یا تقویه مع فائض یتش لیرا افراض ایدرک مبلغ مزبوره مقابل مدیون مر قوم دخی صارمش محله سنده متصرف اولدیغی نصف خانه سنی داین مر قومه قطعاً فارغ اوله رق تسویه دین ایلمش اولسبیله مذکور سندک حکمی قالدیغنی و داین مر قوم دخی اولبابده صاری یا تقویه بر قطعه سند ویردیکی کبی کندولری دخی مر قومی پروتستو ایدلدکلرینی افاده ایله مذکور پروتستو کریاقو امضاسنی شامل بر قطعه علم و خبر اراشه ایدوب بوکا جواباً مر قوم کریاقو مذکور علم و خبر سند منازع فیه حکمی ابطال ایدمیه جکنی بیان ایدوب فی ۲۱ صفر سنه ۹۴ تاریخی بر قطعه تمسک اراز یتش ایسه ده مذکور تمسک هامشنده خانه مذکورک درت بیک غروش بدل ایله کریاقونک عهده سنه قطعاً فارغ اولدیغی

محرر بولغله اول امرده ذکر اولنان خانه نیک مبلغ مدعا به مقابلنده مر هون اولوب اولدیغنک حلی ضمیمه مصلحتک ایجاب ایدن محله حواله سنه دایر مذکور ایکنجی مجلس تجارتن تنظیم اولنان اعلام اوزرینه طرفینک برنجی حقوق دایره سنجه اجرای محاکمه لری ایچون علی الاصول اولنان دعوتیه مر قومان اکسفون و میخال اجابت ایدکلرندن عن الغیاب رؤیت دعویه ابتدار ایله مر قوم کریاقون ادعا و افاده سی ایدی الاستفسار ذکر اولنان خانه نیک مر قومان اکسفون و میخال ادعایه وجهله عهده سنه قطعاً فراغ ایدلدیکی فرض اولنسه بیله انجق درت بیک غروش قیمتنده بولنان بر خانه نیک یتش لیرابه مقابل طوتلمسی مجله احکامنجه فاحش اولدیغنی و خانه مذکوری کندوسی کور مامش ایدو کندن بو بابده خیبار رؤیت بولندیغنی و ویردیکی سنده دخی خانه نیک قطعاً فراغنه دایر صراحت اولدیغندن خانه مزبورک رهن ایدو کتی افاده و بیان ایلمش ایسه ده محکمه مر قومه جه مذکور نصف خانه نیک درت بیک غروش قطعاً مر قوم کریاقویه فراغ ایدلدیکی خانه مذکور سنندیک مطامعه سنن اکلا شلر یغنه واشبو فراغک ظاهرده قطعی و بینلرند وفا اولدیغنه دایر کریاقو طرفندن بر سنند اراز اولنه مدیغی کبی ذکر اولنان علم و خبر مندرجاتی دخی مذکور نصف خانه نیک ره نیتنه دلالت ایتیوب مبلغ مدعا به مقابلنده قطعاً فراغ ایدلدیکته دایر اولدیغنه و دروننده مندرج شرطک اجراسی دخی طرفینک رضاسنه متوقف اولوب رضا بولندیغنی حالده بومقوله فراغنه اذن متولی لاحق اولان مسقطات موقوفه حقنده ایدیلان مقاولاتک مقبول و معتبر اولدیغنه منی مذکور علم و خبر خانه نیک قطعاً فراغنی مشر اولان مذکور وقف سنندی حکمی تعلیل و ابطال ایده میه جکنندن شو حالده

مذکور خانه نک رهن اولوب قطعاً کرباقو عهده سنه فراغ و قصرید ایلش اولدیغیندن بومقوله مستقات موقوفه غبن و خیار رریت دعواری مسوع اوله میه جیندن ادعای مذکورک ردینه قرار ویرلش واشبو قرار علیهنده مر قوم کرباقونک استیناف دعواسنه قیام ایتمی اولنان دعوته مر قومان اکسفون و میخالک ینه اجابت ایتماسی اوزرینه محکمه استینافیه جه غیاباً اجرا قلنان تدقیقات نتیجه سنده مذکور علم و خبرده مر قومان اکسفون و میخال مذکور یتش لبرای تأدیه ایلدکاری حالده نصف خانه نک مر قوم یانقوبه رد واعاده اولنه جنی محرر و بوندن فراغ مذکورک ذکر اولنان یتش ایرای مدیون مر قومک تأدیه ایتدیکی حالده نصف خانه مز بورک فراغی ینه فارغ مر قومه رد واعاده ایلدسی شرطیه وقوع بولش اولدیغی مستبان اولدیغنه و بومشاور فراغ لر رهن حکمده اوله رق وفا اوله جغه مینی برنجی حقوق دایره سنجه شرط مذکور و عد معناسی ویرلمکله برابر شرط مذکورک اجراسی طرفینک رضاسنه متوفقدر دینلسی سند مذکوره بکلش معنا ویرلسندن ایلرو کلش اولدیغندن بختله اعلام مستأنف بهت فسخیله مذکور نصف خانه نک داین مر قوم کرباقو عهده سنه فراغ قطعی و معتبر ایله فراغ اولدیغندن مبلغ مطلوب مز بورک بعد الاستیناف نصف خانه مز بورک رد واعاده سنه صلاحیتی اولدیغنه غیاباً قرار ویرلدیکی کبی اخیراً مر قومان اکسفون و میخال طرفلرندن مدت نظامیه سی ظرفنده اعتراض علی الحکم اولتمی اوزرینه اجرا قلنان محاکمه و جاهیه نتیجه سنده دخی مر قومانک دعوای واقعه ده کندولری شخص ثالث حکمده اولدقلری و بدایه دین مجورت عنه حقدنه برکونه حکم لاحق اولدیغی حالده استیناف دین مذکورک تحصیل طرفنه کیدلدیکی

بولنده در میان ایلدکاری اعتراضاتک ردیه برابر ذکر اولنان خانه نک اجرای فراغندن اول فراغ مذکورک وفا اولدیغنه دایر مقاوله اولدیغی کبی اجراسندن صکره دخی وفاغنی مین علم و خبر ویرلش و دکریده مبلغ مدعا بهدن زیاده بولنش اولدیغی مر قومانک افادات واقعه لر یله ابراز اولنان فی ۲۴ شباط سنه ۸۷۷ تاریخی علم و خبر ماآندن مستبان اولدیغنه کوره فراغ مذکور وفا اولدیغنه بنا مر قومان اکسفون و میخالک بوجهتله متفرع اولان ادعاری دخی رد اولنه رق حکم ارلک تصدیقه زار ویرلش اولدیغی اکلاشلشدر تمیز استنداسنده بولنان مر قومان اکسفون و میخالک خلاصه ادعا و اعتراضاتی دعوای واقعه مر قوم کرباقونک مقدا محکمه تجارنجه علیهرینه اقامه ایتمش اولدیغی کفالت دعواسنک رؤین صروده نحدت ایوب برنجی حقوق دایره سنه نقل اولنان و مر قوم کرباقو ایله مدیون صاری یانقوبینه واقع اولان برعدنک قطعی و یاخود وفا اولدیغنک تدقیقندن عبارت و بوجهتک حلی ایسه عاقدیندن بولنان مر قوم یانقو ایله کرباقونک مواجهه محاکمه سنه متوقف اولوب کندولری ایسه شخص ثالث بولندقلری جهته مجله احکام عدلیه نک بیک التی بوز اوتوز بدنجی ماده سی موجب بود عواده مر قوم کرباقویه خصم اوله میه جقلری مثالاً واشبو فراغ ادعاسنک دعوای حادثه قیلندن اولسیه بونک حل و فصلندن صکره دعوای اصلیه یعنی کفالت خصوصنک محکمه تجارنجه رؤیتی لازم کله جی درکار و او وقت کندولرینک مر قوم کرباقویه خصم اوله جقلری آشکار بولدیغی حالده محکمه استینافیه جه بوراری مطالعه ایلدکسزین کندولرینک محکومیتی طرفنه کیدلسی یولسز اولدیغی کبی مذکور خانه نک رهنینه دایر ویرلان حکمدن استفاده ایجق خانه

مذکورک فروختیه حاصل اوله جنی و مدیون صاری یانقو علیهنده ایسه بویولده برکونه ادعا و حکم واقع اولدیغی جهته حکم مذکورک کندو حقلرنده اجراسی غیر قابل اولدیغندن و مذکور خانه نک رهنینه متدائر برکونه اقرارلری سبق ایتدیکندن بختله اعلام استینافینک نقضی استنداسندن عبارت در مدعی علیه کرباقونک نتیجه جوابی دخی کندوسنک ایکنجی محکمه تجارته اقامه ایلدیکی دعوی مر قوم صاری یانقوده اولان الاجنک بحسب الکفاله مر قوماندن تحصیل طلبندن عبارت اولدیغی و مجله نک التی بوز ایتمش در بدنجی ماده سی موجب ججه کندوسنک مطلوبات مذکور سنی کفالتلری حسبیه مر قوماندن مطالبه به حق و صلاحیتی بولدیغی کبی خانه مز بورک عهده سنده وفا اولدیغی عند الاستیناف مر قومانک اقرارلری و الاجغه محسوباً بر اقیچه تسلیات وقوع بولدیغی دخی تدقیقات سائر ایله تبین و تحقق ایلمش و اعلام استینافی اوزرینه محکمه تجارتن صادر اوله جنق اعلام ایله مر قوماندن استینافای مطلوبه موفق اوله مدیغی صورتده خانه مز بورک فروختی ضمننده مر قوم صاری یا نقویه مراجعت طبیعی بولنش اولدیغندن اعتراضات مسروده واهی و نقضی غیر مؤدی ایدوکی بیابله اعلام استینافینک تصدیق طلبنی محتویدر طرفینک بالاده محرر اعتراض و جوابلرندن بشقه ردیه جقلری اولدیغی لدی السؤال اکلاشلشیه محاکمه لرینک ختام بولدیغی کندولرینه تفهیم اولندی

ایجابی لدی المذاکره محکمه استیناف حقوق قسمته مذکور نصف خانه نک داین مر قوم کرباقو عهده سنده قطعی اولوب وفا صورتیه مر هون بولدیغی و مذکور یتش ایرانک تأدیه اولدیغی حالده خانه مز بورک رد واعاده قلنه جنی ابراز اولنان علم و خبر

ماآندن مستبان اولوب بومقوله فراغ بالوفا رهن حکمده ایدوکی جهته مبلغ مطلوب مذکورک بحسب الکفاله مر قوماندن بعد الاستیناف نصف خانه مز بورک رد واعاده سنه مز بور کرباقونک صلاحیتی اولدیغنه قرار ویرلش ایسه ده اعلام استینافی مطالعه سندن مستبان اولدیغی اوزره داین مر قوم کرباقونک محکمه تجارنجه مر قومان اکسفون و میخال علیهنده جهت کفالتدن طولانی اقامه ایلدیکی مطلوبات دعواسنک سبق ایدن محاکمه سنده مر قومان طرفلرندن اصل مدیون صاری یانقونک دین مکفول به مقابلنده متصرف اولدیغی نصف خانه مز بوری داین مر قومه قطعاً فراغ ایله تسویه دین ایلمش اولدیغندن ارتق کندولرینک بویولده کفالتلری حاوی اولان سنک حکمی قائمدیغی یولنده ایراد مدافعات ایلدش اولدیغی کبی محکمه مر قومه جه دخی مذکور نصف خانه نک مبلغ مدعا به مقابلنده مر هون اولوب اولدیغنک حلی ضمننده کیفیتک ایجاب ایدن محله حواله سی لزومی کولستلش اولسنه کوره برنجی حقوق دایره سنجه تدقیق و حل اولنه جنق جهت مذکور نصف خانه نک رهنیتی ماده سی اولدیغی واشبو رهنیت خصوصی دخی داین مز بور کرباقو ایله اصل مدیون اولان مر قوم صاری یا نقوبینه وقوع بولدیغی حسبیه جهت مذکورنک حلی ایچون اجرا قلنه جنق محاکمه مجله احکام عدلیه نک بیک التی بوز اوتوز بدنجی ماده سی موجب ججه مر قوم یانقونک دخی حضوری مقتضی اولوب بویولده شخص ثالث بولنان مر قومان اکسفون و میخالک افادلری و مر قومان ایله مز بور کرباقونک استیجاب و محاکمه سی اوزرینه مذکور نصف خانه نک فراغ بالوفا طریقله مر هون اولوب اولدیغی مسئله سنک حلی طرفنه کیدیه میه جکی درکار بولنش ایکن دایره مر قومه جه سبق ایدن محاکمه ده مر قوم یانقو حاضر

بولندیرلدیغی کبی محکمه استینافیله جه دخی بورلری  
 تأمل ومطالعه ایلدیکسزین ذکر اولنان علم وخبره  
 استنادا خانه من بوزک مر قوم کر یاقونک عهده سنده  
 مر هون بولندیغنه حکم وقرار ویرلمسی مجله واصول  
 محاکمه په مغایر بولنش اولدیغندن اصول محاکمه  
 حقوقیه قانون موقنتک ایکی بوز اوتوز ایکنجی ماده سی  
 موجبجه اعلام استینافی من بور نقض ایدلش  
 اولغله طرفینک بر منوال محرر اصولنه توفیقاً  
 تشکیلیه امر محاکمه لریک یکیدن بالاجرا تبیین ایده جک  
 حاله کوره کیفیتک اعلامه ربطی ضمیمه محکمه استیناف  
 حقوق قسمته ارجا عنسه واعلام وصوره وتبلیغ  
 خرجلری اولان ایکیوز فرق غروشک ایلروده حقسز  
 چیقه جق طرفه رجوع ایتمک اوزره اول امرده  
 مستدعی مر قوماندن المنسبه فی ۲۸ ربیع الاول  
 سنه ۹۷ تاریخنده متفقاً قرار ویریه رک طرفینه  
 تفهیم قلندی

### اعلانات

شکری افیدینک جیله خام ذمتنده با اعلام محکوم به  
 مطلوبی بولنان مبالغ معلومه نک تسویه سی ضمیمه  
 فروختی محکوم اولان یمش اسکله سنده کائن  
 یوز یکرمی بش نومرونی بر باب بر بر دکانی کدیکی  
 بوندن اقدام مز ایدیه قونیه رقی بشیوز لیرا بدل ایله  
 طالبی عهده سنده تقرر ایتمکله بوندن زیاده یعنی  
 یوزده بش ضمیمه طالب اولانلر وار ایسه تاریخ  
 اعلاندن اوتوز بر کونه قدر در سعادت مر کز اجرا  
 دأره سنه مراجعت ایلملری اعلان اولنور

ابراهیم افندیک حاجی نوری بکه با اعلام محکوم به  
 دینی بولنان مبالغ معلومه نک تسویه سی ضمیمه

مدیونک ایوان سرای خارجنده ساخلده قابق  
 اعمالنه مخصوص متصرف اولدیغی سکر نومرونی  
 دکانتک سکر حصه اعتبار یله اویج حصه سی بوندن  
 اقدام مز ایدیه قونیه رقی سکر لیرا طالی  
 عهده سنده تقرر ایلدیکندن بوندن زیاده طائب  
 اولانلر وار ایسه اوتوز بر کونه قدر یوزده بش ضمیمه  
 در سعادت مر کز اجرا دأره سنه مراجعت ایلملری  
 اعلان اولنور

احمد محی الدین بکک احمد توفیق وعبد اللطیف  
 افندیلر ایله موهبه خانمه با اعلام محکوم به دینی بولنان  
 مبالغ تسویه سی ضمیمه مدیونک متصرف اولدیغی  
 قاضی اقریه سنده سو کودلی چشمه نام محده کائن  
 تخمینا طقوز یوز الی زراع مقداری مر صده سی  
 بوندن اقدام مز ایدیه قونیه رقی التمش بش لیرا بدل  
 ایله طالبی عهده سنده تقرر ایلدیکندن بوندن زیاده  
 طالب اولانلر وار ایسه تاریخ اعلاندن اوتوز بر کونه  
 قدر در سعادت مر کز اجرا دأره سنه مراجعت  
 ایلملری اعلان اولنور

مجله احکام عدلیه مندرج مسائل اساسیه شرح  
 وایضاح ضمیمه کتب معتبره فتاوان مثال اوله رقی  
 اخذ ودرج قلنان مسائلک تفریقنه علامت اولوق  
 اوزره مسائل اساسیه بیوک وامثله وعلاوان کچوک  
 حروف واون الی کتابی صره سیله بر صحیفه رقیقه  
 تابع ووافق قطعده ومنتظم فهرستی وله رقی  
 بوکره طبع اوانوب صحا فلرده میری دکانتده ومارف  
 کتبخانه سنده صائلمده در